



PREMIOS MIL  
PRIMAVERAS

## **BASES DOS PREMIOS MIL PRIMAVERAS A PROXECTOS DE POSTA EN VALOR E FOMENTO DO GALEGO**

### **1. Obxecto**

A Coordinadora de Traballadores/as de Normalización da Lingua (CTNL) convoca os Premios Mil Primavera, coa finalidade de **valorar, recoñecer e visibilizar accións, campañas, programas e proxectos** que teñen como obxectivo principal a posta en valor e o fomento da lingua e a procura do incremento do seu uso e/ou prestixio, en xeral ou en ámbitos determinados. Deste xeito, preténdese **recoñecer e proxectar o traballo ben feito no ámbito da normalización lingüística**, valorar e visibilizar proxectos positivos e seleccionar boas prácticas que poden servir como modelos.

### **2. Proxectos participantes**

Poden optar a estes premios todas as **accións, campañas, programas e proxectos que teñen como obxectivo principal a posta en valor e o fomento da lingua e a procura do incremento do seu uso e/ou prestixio**, en xeral ou en ámbitos determinados, que foron e/ou son desenvolvidos por servizos de normalización lingüística (SNL) de administracións públicas e entidades privadas, por equipos de normalización e dinamización da lingua galega dos centros de ensino e por asociacións ou outras entidades públicas ou privadas, e **que tivesen vixencia**, total ou parcialmente, en **2017, 2018 e/ou 2019**.

### **3. Categorías**

Os premios que se concederán serán os seguintes:

- **Premio ao mellor proxecto estabilizado**

Escollido entre aqueles que se leven desenvolvendo durante, polo menos, cinco anos.

- **Premio ao mellor proxecto novo**

Escollido entre aqueles nados en 2017 ou despois.

- **Premio á mellor comunicación e impacto**

Escollido por acadar un grande impacto social e por supor un modelo positivo de comunicación.

- **Premio ao proxecto máis innovador**

Escollido atendendo á innovación da súa maneira de intervir, da súa linguaxe, do seu ámbito de actuación etc.

- **Premio ao mellor proxecto de fomento do galego na infancia e/ou mocidade**

Escollido entre aqueles que teñen como obxectivo principal a socialización en galego da infancia ou da mocidade, como poboación destinataria prioritaria na normalización lingüística para garantir o futuro da lingua.

- **Premio ao mellor proxecto de fomento do galego nun ámbito sectorial (por exemplo, no ámbito socioeconómico, no das novas tecnoloxías, no audiovisual etc.)**

Escollido entre aqueles que teñen como obxectivo principal a procura do incremento do uso e/ou prestixio do galego nun ámbito sectorial concreto.

#### **4. Método de inscrición**

A inscrición de proxectos para optaren aos premios debe facerse a través do formulario habilitado para tal efecto no sitio web [www.milprimaveras.gal](http://www.milprimaveras.gal).

A inscrición debe ser feita pola entidade responsable da acción, campaña, programa ou proxecto. Cada entidade, servizo de normalización lingüística, equipo de normalización e dinamización da lingua galega, asociación etc. pode rexistrar cantas propostas queira, sempre que sexan da súa responsabilidade e cumpran cos requisitos da convocatoria.

A inscrición de cada proposta faise de maneira xeral aos premios, non a unha categoría concreta. Deste xeito, desde a organización determinarase a que categorías pode optar cada unha das propostas presentadas.

#### **5. Prazo de inscrición**

O **prazo** para inscribir propostas **comezará o 2 de abril de 2019 e rematará o 17 de maio de 2019.**

## 6. Xurado e selección de proxectos premiados

O xurado estará formado por técnicos/as de normalización lingüística e persoas con recoñecida capacidade en ámbitos como a planificación lingüística, a intervención social, a xestión de proxectos sociais e/ou a comunicación, e será nomeado pola CTNL.

Ademais dos aspectos específicos que lle corresponden a cada categoría, para a selección dos proxectos premiados **o xurado terá en conta**, en xeral:

- A calidade da planificación do proxecto, coa axeitada determinación de obxectivos, destinatarios/as, accións, necesidades e recursos, temporalización etc.
- A execución e desenvolvemento adecuado das medidas e actuacións.
- A innovación do proxecto, a capacidade de incidencia e o impacto positivo para a lingua.
- A calidade e atractividade da comunicación, deseño, imaxe, materiais, etc.
- A axeitada avaliación.
- A eficiencia do proxecto.

## 7. Premios

En cada unha das categorías recoñecerase unha acción, campaña, programa ou proxecto. O premio consistirá no recoñecemento e visibilización do proxecto como modelo positivo para o traballo en normalización lingüística, non terá dotación económica e a cada proxecto seleccionado entregáraselle un galardón identificativo do premio.

O acto de entrega de premios terá lugar nunha data e lugar que se determinará con suficiente antelación. A relación de proxectos premiados darase a coñecer con antelación a ese acto. As entidades responsables dos proxectos premiados comprométese a asistir a el.

## 8. Base final

A participación nestes premios supón a aceptación de todas as condicións e o permiso para, desde a organización, difundir os proxectos galardoados.

**Convoca:**



**CTNL**  
Coordinadora de Traballadores/as  
de Normalización da Lingua

**Colabora:**

